

Despues di problemanan di salud

Ministro Watty Vos a bolbe Aruba

ORANJESTAD(AAN) Ayera Ministro Watty Vos a bolbe Aruba despues di basta tempo cu e tabata na Costa Rica pa haya tratamiento medico.

Den un conferencia di prensa duna na aeropuerto, informacionnan a ser duna encunto salud di señor Watty Vos kende tabata hopi malo y pa cual e mester a haya tratamiento medico na Costa Rica.

Pa e malesa di Watty Vos tin cura.

Aña pasa ministro Vos a cuminsa sinti su mes malo y el a bay haci testnan na Aruba, Miami y Costa Rica, pero na prome instancia no tabata tin preocupacion grandi pa loke Watty tabata sinti.

Despues di tempo Watty a cuminsa ripara cu su salud no tabata bayendo bon y el a tuma decision, a base di recomendacionan medico cu el a haya, pa bay Costa Rica pa e por a worde opera.

Despues di a haci operacion, Watty mester a haya tratamiento medico adicional y ainda e no a keda cla cu esaki y ta pesey e mester bolbe Costa Rica pa completa su tratamentonan.

Watty falta minimo 4 tratamiento y maximo 6 y

segun Watty tur loke a bin pa dilanti como complicacion medico a desaparece, pero keto bay e mester sigui cu tratamiento medico.


Ta di lamenta cu a pasa asina hopi tempo prome cu pueblo por a haya informacion riba loke tabata pasando cu ministro Watty Vos, siendo cu gobierno tabata e instancia responsable cu mester a suministra informacion encunto salud di ministro Vos.

No por ta asina cu un ministro di gobierno ta sinti malo y pa cual e mester bay den exterior pa haya tratamiento medico y pa lunanan y simanan largo, pueblo mester keda den un incertidumbre grandi relaciona cu salud y bienestar di e ministro.

Unda vocero di gobierno tabata ta tur e tempo cu Watty tabata den exterior pa asina duna cuenta encunto bienestar di e ministro?

Ta un falta di respet pa pueblo y tambe pa e ministro mes y su famia cu gobierno no a dedica e atencion debido na ministro Vos ora cu esaki tabata malo den exterior.

Cu Dios su poder Watty por bolbe Aruba sanamente despues di completa su tratamentonan medico, pa asina e por



sigui dedica tempo na su famia na prome lugar y si su

salud ta permitie; traha na interes di su pueblo.

Watty pronto recuperacion!!!!!!!!!!!!!!